

մութեանս զհամառօտ թարգմանութիւնս նորին . զի յայտնապէս պատմէ զգէպս եւ զեղեւրութիւնս , որ դիպան 'ի նմին ժամանակի , որ չէ ինչ հեռի 'ի ստուգութենէ : Թէպէտ հարք վենետիկեան զսոյն զայս նամակ համարին շինծու և անվաւեր , գործ թշնամոյ եւ հակառակորդի . եւ թէ այսպիսի տարօրինակ յիրս ոչ կաթուղիկոսն Գրիգոր և ոչ իշխանն Լեւոն կամէին լինել ձեռներէց սակս մտերմութեան զոր ունէին յայնժամ առ Արեւմտեայս , և 'ի սիրալիր ընդունելութեան թագաւորին , եւ որոց ընդ նմա . առ այս յառաջընթաց էր ներսէս Լամբրունեցին , և այլ արք իշխանաւորք : Եւ առաւել կասկածանաց տեղի տուեալ է՝ բառք Հաթէմ , փոխանակ գրելոյ Հեթում : Թէեւ նամակն թուական ոչ ունէր , բայց յայտնի երեւի թէ 'ի Հայէ թարգմանեալէ յԱրարացի բարբառ . և բառք Կաթուղիկոս կարի դժուարին էր ընթեռնուլ , զի գրեալ էր Գագուս կամ Գագիլոս . թերեւս Գագիլ , որպէս ոմանք կարծեցին :

Գ Լ Ո Ւ Խ Ի Գ .

Պաշարունն Պաղումայիզա (Աքքես) : Պատերազմունք Սալահատինի ընդ Լատինս : Թագաւորն Անգղոյ Ռիչարտոս : Թագաւորն Գաղղոյ Փիլիպոս : Առունն Պաղումայիզայ 'ի Լատինաց եւ դիմել նոցա պատերազմաւ 'ի Պաղատին : Շինունն սրբային Նրուսաղէմի : Գաշնաղրութիւն և զննաղագար :

ԱՅ՛ ժինչդեւ թագաւորն Ալմանիոյ , եւ որոց ընդ նմա , ըմբռնեալ 'ի սուգ մեծ , սակս տարաժամ մահուան Ֆրէտէրիկոսի կայսեր , զեգերէին յաշխարհին կիւլիկոյ՝ հանդիպեալ 'ի ձանապարհին պէսպէս ձախողութեանց , հիււանդութեանց և ախտից , յորոց նուազեցան թիւ զօրաց և երիվարաց նոցին : Աստէն Լատինք զհետ եղեն պաշարել զքաղաքն Պաղումայիս . զհանգամանս այսր պաշարման և երկարատեւ պատերազմաց երկար գրեն պատմիչք Արարացոց , յորոց հանեալ է և կենսագրութիւնն Սալահատինի 'ի Թուրք բարբառ : Քանզի վերջին Լատին թագա-